

ՄԱՅՐ ԱԹՈՒ ՍՈՒՐԲ ԷԶՄԻԱԾԻՆ

Հ Ա Ղ Ո Ր Դ Ա Գ Ր Ո Ւ Թ Ի Ի Ն

Հայաստանեայց Եկեղեցու միջեկեղեցական յարաբերութիւնների բաժնի հրաւերով սոյն թուականի Նոյեմբերի 23—28 Ս. Էջմիածին այցելեցին Անկլիքան Եկեղեցու արտաքին յարաբերութիւնների գիւտնապետ Հայր Մայքըլ Մուրը և Ա.Մ.Ն.Ի Եպիսկոպոսական Եկեղեցու ներկայացուցիչ Հայր Ռեյմոնդ Օպենհայմը՝ իր աիկնոջ հետ։

Մայր Աթոռի պաշտօնական հիւրերին ընդունեց Նորին Սրբութիւն Տ. Տ. Վաղդէն Ա. Ամենայն Հայոց Կաթողիկոսը։

Ազգիս Հայրապետը սիրով ընդունելով Նորին Գերազանցութիւն Քենթրերի Արքեպիսկոպոսի եղբայրական ողջոյնները՝ փոխադարձ եղբայրական ողջոյնի խօսք յղեց նրան։

Հիւրերը Հայաստանեայց Եկեղեցու միջեկեղեցական յարաբերութիւնների բաժնի ղեկավարների հետ ունեցան պաշտօնական տեսակցութիւն, որի ընթացքում Մայր Աթոռի ներկայացուցիչների և յարգարժան հիւրերի միջև տեղի ունեցաւ կարծիքների փոխանակում երկու Եկեղեցիների միջև գոյութիւն ունեցող յարաբերութիւնների, ինչպէս նաեւ Քենթրերի արքեպիսկոպոսութեան և Անգլիկայի Հայոց եկեղեցու փոխադարձ կապերի հետադայ դարպացման հեռանկարների շուրջ։

Մեծարդոյ հիւրերը Հայաստանում գտնուելու օրերին ծանօթացան Հայ Ժողովրդի հոգեւոր, մշակութային կենտրոններին և պատմական յուշարձաններին։

ԴԻԻԱՆ ՄԱՅՐ ԱԹՈՒԻ

20 Դեկտեմբեր 1973 թ.

Ս. ԷԶՄԻԱԾԻՆ